

Stichting Angels & Stars

Delegacion Hubileo Hubenil 2025 ta celebra Dia di Himno y Bandera

STICHTING Angels & Stars conhuntamente cu Delegacion Hubileo Hubenil 2025 tin un gran celebracion diamars 18 di maart, cu ta Dia di Himno y Bandera na Club Caiquetio, situa na Paradera y tur fondo cu recauda ta bay pa Delegacion Hubileo Hubenil 2025 cu ta bay representa Aruba na Italia cu 14 hoben di diferente parokia.

Orario di e actividad aki ta 10am – 4pm y ta bay tin: cushina crioyo, bar, snackbox, sweetbox, Johnny cake cu salt fish, aros con pollo, sopi, vlooi-enmarkt, tambe pakete di Pinta y Brinda pa 18+ (pa mas info por yama 6618167 of 5672111).

Pa entertainment ta bay tin e.o. Caha di Orgel, Grupo di Baile Masiduri, Rejoice Gospel Group, Kids & Youth in Action, Kris Kross, Shermain Maduro, Quilaini Jansen, Danniel Kevin Willems y otro presentacionnan cultural pa adulto, hoben y mucha. Tambe ta bay tin un competencia di baile di Cah'i Orgel p'esnan cu ta biba nos cultura.

Den Kids Corner ta bay tin pa nos muchanan: wega pa mucha, face painting, figura di blaas, popcorn, cotton candy y hopi mas.

Delegacion Hubileo Hubenil 2025 ta desea pueblo di Aruba un feliz Dia di Himno y Bandera!



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA
CUBRI TE CU 45% DI E COSTO DI
STERILISACION DI BO MASCOTA Y UN
MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM

Dushi Ponche Crema di Aruba

ATA nos den touw atrobe cu otro poema di amor pa Aruba
Otro aña di celebracion sin ansha sin duda
Awa por yobe, luna yen,
bandera por bula den biento
Nos tur mas atento, mas spierta, mas contento

Artistanan creativo,
cu pica di gember, pica di papaya
Amanan di cas mas positivo,
tin webo fresco pa haya?
Sinta disfruta nan kelki ponche crema
cu 2 bloki ijs
Leumay papia di tuna y cadushi,
jump den carnaval ta dushi!

Busca bo lotion di aloe pa hunta
riba cara y curpa
Den bo mesun mundo di meditacion,
reflexion, relaha
Canta bo mesun tumba,
come cuminda crioyo y bolo di rum
Ata Dhalia y Chanita bisti den shimis diseña pa
Ronchi de Cuba

Canta “Abo so” of “Cunucu di zuid”,
den solo, bao pal'i watapana
Tuma otro slok di bo ponche crema,
prome cu tin un otro pa dera
Prome cu cay kibra heup, ora no por baila mas
Ora no tin musica di caha di orgel mas den cas

Bo salud ta bay atras? Stropi calabas cu ne!
“Semi- Biehes” ta drenta bo pone'bo cococha
Alzheimer ta tenta bo na midi of na pida pida
Historia di bo grandinan ta bati na porta, cont'e!

Aruba, bo ta mi pan bati ora mi tin hamber
Bo cas di torta ta mi refugio den temponan di
hopi biento y awasero
Bo cordialidad ta mi anker den e awanan blaww
di bida rond di mi
Pero mas cu tur cos, bo ta fiel, mi miho amigo!

Demostra pa mi dushi Aruba, amor sin fin
Ponche crema den cas, bo tambe tin?
Cultura, bo tin cu bebe y
bib'e den tur bario y skina
Awor mi por comprende,
con abo tambe ta stim'e!

Ruthy Vrieswijk-Bergen
Mi poema den Poeta di Patria 2025